



ITSASONDO, 2021eko ekainaren 9an



Zazpi kontzeptutan oinarritzen da “OinHerri, herri hezitzailea”k proposatzen duen eredua. Zazpi eremu horiek elkarrekin ezkontzen, garatzen eta aberasten dira, eta, proposamen koherente eta oso bat egin ahal izateko, zazpiek halaberrez elkarrekin joan behar dutela uste dugu. Eta horrela formulatu ditugu gure lan-eremua eta xedea:

*Jolasa eta sormena ikasteko eta garatzeko berariazko tresnatzat dituen **haurren kultura** aitortzea; hori oinarri hartuta, **haurrei benetan parte hartzeko eta erabakitzeko ahalmena ematea**; eurek eraikitako **aisia hezitzaile eta euskaldunaren bitartez, aniztasunean berdin eta parekide** izanez eta **ingurumen naturala eta kulturala zainduz, komunitate-sarea eta auzolana indartzea, eta pertsonen arteko harreman osasuntsu, justu eta asegarriak jostea.***

Haurrez dihardugunean, jendarteko zaugarrienez ari gara; hala nola, etorri berriak, gazteak, emakumeak, adindunak, aniztasun psikiko edo funtzionala dutenak,.. hots, pertsona guztiotaz dihardugu.

Gainera, herriko lantaldea herriko hiru zutabe hauek osatzen dutela ziurtatzen da: Udalak, Hezkuntzak eta Herrigintzak.

Itsasondo herrian bertan proposatuko dira egitasmoak, herrian ezarritako lehenetasunen arabera. Saretzeko bokazioa izango du, parte-hartze metodologiak erabiliz, parte hartzen dugun pertsonak izatetik harago, partaide izatera igarotzeko helburuarekin.

Aldi berean, herriko beste ekimenekin koordinatu beharko dira, eta denak bateratzeko guneak eta praktikak sortzeko aukera eskaini beharko da. Horren baitan, hiru ezaugarri hartu behar dira kontuan:

- Herrian lehendik dagoena ez ordezkatzeko printzipioa.
- Ez dagoena sortzeko printzipioa.
- Herriko bestelako prozesuak kontuan hartzea, eta, ahal dela, bateragarri edo osagarri egitea.

“OinHerri, herri hezitzailea”k herrietako parte-hartze esperientziekin **OinHerri webgunea** elikatuko du, herrien arteko **esperientzien trukea erraztuko** du eta **Itsasondo herriarekin harremana** izango du haren beharrak ezagutzeko eta aholkua eskaintzeko.

Itsasondoko-ko herriak, berriz, “OinHerri, herri hezitzailea” egitasmoa bideragarri egiteko asmoz, biztanleriaren arabera dagokion urteko kuota hartuko du kontuan.

AZALTZEN DUTE

I. Itsasondoko herriak “OinHerri, Herri Hezitzailea”n sartzeko konpromisoa hartzen duela.

II. Itsasondoko herriak aurrera eramango dituen egitasmo, ekintza eta abarretan Hitzarmen honek islatzendituen zazpi oinarriak lantzeko konpromisoa hartzen duela.

III. Itsasondoko herriak “OinHerri, herri hezitzailea” egitasmoa finantzatzeko, 500 euro ordainduko dituela 2.021. urteko kuotari dagokionez.

IV. “OinHerri, herri hezitzailea”k herrien arteko esperientzien trukea erraztuko duela, honetarako sorturiko www.herrihezitzailea.eus web gunea baliatuz eta urtean sarea osatzen duten herrien arteko 2bilera antolatuz.

V. “OinHerri, herri hezitzailea”k trebakuntzarako eta ezagutzaren eraketa kolektiboa bultzatzeko jardunaldiak antolatuko dituela

VI. “OinHerri, herri hezitzailea” “Itsasondoko gazteria” taldearen beharrak ezagutzeko eta aholkua eskaintzeko konpromisoa hartzen duela.

Aholkularitza zerbitzua herriak dituen beharren arabera zehaztuko da:

- Dagoeneko proiektuak martxan dituzten herriei Oinherriren markora nola ekarri edo egokitu aztertzeke aholkularitza eskainiko zaie.

- Proiektu berriak martxan jarri nahi dituzten herriei, egin beharreko bidea zehazten lagunduko zaie eta kanpo zerbitzuak beharko balituzte, haiei buruzko aholkularitza eskainiko zaie.

Itsasondoko herriak eta “*OinHerri, Herri Hezitzaileak sustatzeko elkartea*”k, bertan jasotako konpromisoeta oinarriak betetzearekin bat egiten dute.

BILDUTAKOAK

“OinHerri, Herri Hezitzailea” ordezkaria, Amaia Etxabe Goikoetxea.

Sinadura:

Itsasondoko Udalaren ordezkaria, Iñaki Aizpuru alkatea.

Sinadura: